



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 02-11-1212-7/24
Sarajevo, 03.03.2025. godine

Na osnovu Odluke o davanju saglasnosti Kantonalnoj upravi civilne zaštite Kantona Sarajevo za prodaju rashodovanih stalnih sredstava (vozila koja nisu u voznom stanju) putem neposredne pogodbe („Službene novine Kantona Sarajevo“, broj: 45/24), direktor Kantonalne uprave civilne zaštite Kantona Sarajevo, *objavljuje*

JAVNI OGLAS

za prodaju rashodovanih stalnih sredstava (vozila koja nisu u voznom stanju)

I PREDMET PRODAJE

1.1. Predmet javnog oglasa je prodaja rashodovanih stalnih sredstava (vozila koja nisu u voznom stanju), putem neposredne pogodbe, metodom prikupljanja zatvorenih pismenih ponuda su:

- a) vozilo MAGIRUS-DEUTZ 232-LJESTVA (godina proizvodnje: 1976.), broj šasijske: 4900016217, broj motora: 5384512, (godina rashoda: 2019.), težina: 19000 kg; početna cijena 6.266,96 KM;
- b) vozilo ZASTAVA 80.12, (godina proizvodnje: 1991.), broj šasijske: 060416, broj motora: 564572, (godina rashoda: 2017.), težina: 5800 kg; početna cijena 837,30 KM;
- c) vozilo MERCEDES BENZ, (godina proizvodnje: 1968.), broj šasijske: 32313310604625, broj motora: 35293210022962, (godina rashoda: 2009.), težina: 7490 kg; početna cijena 2.864,30 KM i
- d) vozilo MAGIRUS (godina proizvodnje: 1963.), broj šasijske: 5400110168, broj motora: 355769297, (godina rashoda: 2019.), težina: 3100 kg; početna cijena 3.367,70 KM.

Početna ukupna cijena rashodovanih stalnih sredstava (vozila koja nisu u voznom stanju) je 13.336,26 KM.

II KRITERIJI ZA PRODAJU

- 2.1. Prodaja rashodovanih stalnih sredstava (vozila koja nisu u voznom stanju) vrši se putem neposredne pogodbe metodom zatvorenih pisanih ponuda.
- 2.2. Rashodovana stalna sredstva (vozila koja nisu u voznom stanju) se prodaju po načelu „viđeno–kupljeno“, te kupac nema pravo na naknadne prigovore i reklamacije odnosno prodavac ne daje garancije po pitanju kvaliteta, stanja, funkcionalnosti, izgleda, skrivenih ili drugih eventualnih nedostataka.
- 2.3. Kriterij za izbor najpovoljnijeg ponuđača/kupca je najviša ponuđena cijena za navedeni predmet prodaje, koja ne može biti manja od početne prodajne cijene/vrijednosti.

III PRAVO UČEŠĆA

- 3.1. Pravo sudjelovanja u postupku prodaje rashodovanih stalnih sredstava (vozila koja nisu u voznom stanju), putem neposredne pogodbe, metodom zatvorenih pisanih ponuda, imaju sva domaća i strana pravna i fizička lica osim zaposlenih u Kantonalnoj upravi civilne zaštite Kantona Sarajevo te članova njihove uže porodice koji nemaju pravo učešća u postupku prodaje rashodovanih stalnih sredstava (vozila koja nisu u voznom stanju).

IV PREGLED PREDMETA PRODAJE

- 4.1. Rashodovana stalna sredstva (vozila koja nisu u voznom stanju) koja su predmet prodaje, iz tačke I se nalaze na lokaciji Vatrogasne ispostave Vogošća, ulica Izeta Delića 22 i mogu se pogledati svaki radni dan u periodu od 03 .03 .2025. do 11.03 .2025. godine (osim subote i nedelje) u vremenu od 10:00 do 12:00 sati, uz prethodnu telefonsku najavu putem kontakt tel. 033/257-335.

V SADRŽAJ PONUDE

- 5.1. Ponuda mora sadržavati:

- Za fizičku osobu – ime i prezime, adresa i broj telefona, broj tekućeg računa, ovjerena kopija identifikacijskog dokumenta, čitko popunjen i potpisan Obrazac za cijenu ponude;
- Za pravnu osobu - naziv pravne osobe, adresa i broj telefona, potpis ovlaštene osobe i pečat, ime i prezime osobe ovlaštene za zastupanje u postupku prodaje rashodovanih stalnih sredstava (vozila koja nisu u voznom stanju) putem neposredne pogodbe, aktuelni izvod iz sudskog registra (original ili kopija ovjerena od strane nadležnog tijela) sa datumom izdavanja ne starijim od tri mjeseca na dan dostave ponude i broj poslovnog računa.

- 5.2. Popunjen Obrazac za cijenu ponude, cijenu iskazati isključivo u konvertibilnim markama (KM), u iznosu istom ili većem od početne cijene predmeta prodaje.

- 5.3. Ponudu mora potpisati podnosilac ponude (ponuđač), a ukoliko je ponuđač pravna osoba, ista mora biti potpisana od strane ovlaštenog lica i ovjerena pečatom pravne osobe.

- 5.4. Prihvatljivom ponudom smatra se svaka ponuda koja sadrži podatke iz tačaka od 5.1. do 5.3. Javnog oglasa.

- 5.5. Cijena ponude dostavlja se na Obrascu za cijenu ponude, koji se nalazi u prilogu ovog oglasa, koji se može preuzeti na način objašnjen u DODATNIM INFORMACIJAMA.

VI DOSTAVLJANJE PONUDE

- 6.1. Pisane ponude po ovom javnom oglasu dostavljaju se u zatvorenoj (neprovidnoj) koverti putem pošte ili neposredno na protokol na adresu:

Kantonalna uprava civilne zaštite Kantona Sarajevo
Ul. Fehima ef.Čurčića br.1,71 000,Sarajevo, s naznakom
«Ponuda za prodaju rashodovanih stalnih sredstava (vozila koja nisu u voznom stanju)
KUCZ KS, putem neposredne pogodbe – NE OTVARAJ»

- 6.2. Javni oglas je ostaje otvoren osam (8) dana od dana objavljivanja u dnevnim novinama Avaz.

VII POSTUPAK

- 7.1. Javno otvaranje ponuda održati će se u prisustvu zainteresiranih ponuđača dana 17.03. 2025.godine u Maloj sali, I sprat Kantonalne uprave civilne zaštite u Sarajevu, sa početkom u 16,00 sati.
- 7.2. Otvaranju ponuda mogu prisustvovati ponuđači i predstavnici pravnih osoba koji su ovlašteni za sudjelovanje u postupku prodaje rashodovanih stalnih sredstava (vozila koja nisu u voznom stanju), putem neposredne pogodbe, uz predočavanje ovlaštenja, odnosno punomoći.
- 7.3. Postupak počinje registracijom ponuđača koja podrazumijeva provjeru identiteta podnositelja ponude, zakonskog zastupnika ili punomoćnika.
- 7.4. Predsjednik Komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj ponude po prispjeću, ponuđeni iznos i prihvatljivost ponude.
- 7.5. Ponude koje ne ispunjavaju tražene zahtjeve iz javnog oglasa, kao i ponude sa cijenom nižom od početne cijene, neće se uzeti u razmatranje.
- 7.6. Nakon otvaranja pravovremeno pristiglih ponuda, javno se saopštavaju ponuđene cijene, te se utvrđuje lista ponuđača koji su ponudili istu ili višu cijenu od utvrđene početne cijene, počevši od ponuđača sa najvišom ponuđenom cijenom.
- 7.7. Ukoliko dva ili više ponuđača ponude istu cijenu, koja je ujedno i najviša cijena, rashodovanih stalnih sredstava (vozila koja nisu u voznom stanju) će se prodati onom ponuđaču koji je po datumu i vremenu prijemnog štambilja ranije dostavio ponudu.
- 7.8. Ako se na javni oglas javi samo jedan ponuđač čija je ponuđena cijena ista ili viša od početne cijene/vrijednosti predmeta prodaje, isti se proglašava pobjednikom prodaje neposrednom pogodbom.

VIII OBAVEZE KUPCA – PONUĐAČA

- 8.1. Kupac-ponuđač čija ponuda bude prihvaćena dužan je pristupiti potpisivanju ugovora u roku od sedam (7) dana od dana prijema istog, a izlicitirani iznos uplatiti u roku od pet (5) dana od dana obostranog potpisivanja kupoprodajnog ugovora.
- 8.2. Ako kupac-ponuđač ne pristupi sklapanju ugovora o kupoprodaji ili ukoliko nakon zaključenja Ugovora odustane od njegove realizacije, Kantonalna uprava civilne zaštite Kantona Sarajevo zadržava pravo dodijeliti ugovor prvom sljedećem ponuđaču sa liste uspješnih ponuđača.
- 8.3. Kupac je dužan rashodovana stalna sredstva preuzeti u viđenom stanju i to u roku od (pet) dana po uplati ugovorene cijene.
- 8.4. Troškove prenosa vlasništva, transporta, poreza i svih eventualnih drugih troškova koji se mogu pojaviti snosi kupac/ponuđač.

IX DODATNE INFORMACIJE

- 9.1. Da bi prodaja bila uspješna mora biti dostavljena najmanje jedna prihvatljiva ponuda.
- 9.2. Dodatne informacije mogu se dobiti na broj tel. 033/257-335, radnim danima od 08,30 sati do 16,00 sati.
- 9.3. Sažetak teksta ovog oglasa će biti objavljen u dnevnim novinama "Avaz".
- 9.4. Tekst ovog Javnog oglasa će biti objavljen na Internet stranici Kantonalne uprave civilne zaštite Kantona Sarajevo www.kucz.ks.ba.
- 9.5. Obrazac za cijenu ponude može se preuzeti na navedenoj Internet stranici ili na protokolu Kantonalne uprave civilne zaštite Kantona Sarajevo u Sarajevu, adresa: Ul. Fehima ef. Čurčića br.1.



DIREKTOR

Dženan Brkanić

OBRAZAC ZA CIJENU PONUDE

1. Ime i prezime fizičke osobe ili naziv pravne osobe

2. Ime i prezime osobe ovlaštene za zastupanje u postupku licitacije (za pravne osobe)

3. Tačna adresa prebivališta (za fizičke osobe) ili tačna adresa sjedišta (za pravne osobe)

4. Kontakt telefon:

5. Broj tekućeg računa (za fizičke osobe):

6. Broj poslovnog računa (za pravne osobe):

<i>R. B.</i>	<i>Marka vozila</i>	<i>Godina proizvodnje</i>	<i>Broj šasije</i>	<i>Broj motora</i>	<i>Godina rashoda</i>	<i>Procijenjena težina (kg)</i>	<i>Procijenjena vrijednost (KM)</i>	<i>Ponudena cijena (KM)</i>
1	Magirus-Deutz 232 Ljestva	1976	4900016217	5384512	2019	19.000	6.266,96	
2	Zastava 80.12	1991	060416	564572	2017	5.800	837,30	
3	Mercedes Benz	1968	32313310604 625	35293210022962	2009	7.490	2.864,30	
4	Magirus	1963	5400110168	355769297	2019	3.100	3.367,70	

7. Ukupni iznos ponude (u KM):

(slovima: _____)

Potpis (i pečat za pravne osobe) _____